

## 澄城附志卷之十二

### 雜志

裨官野乘有裨正史瑣記異聞或資治道蓋邑乘之作所以徵信後世故事之重且大者已於各類中據實詳述惟義類無歸而事又不可泯者特於正志之末別爲一編亦近日方志之通例也

### 作第十二

### 軼事

**雷 靈** 明時縣西河人因舅父某膺里長政賦繁急死於酷吏某刑杖有冤莫伴因爲縣署汲水天役見酷吏刺殺之自首詣獄上台置之法臨刑自若邑人念靈孝義之忱根於愛親因塑像於源門西歲時致祭後移置城隍廟西廊今像猶在

**姬源物** 姬家坡人明崇貞時歲荐饑盜賊蜂起政繁賦重民不堪命 物與鄰村侯良佐等聯絡求免差糧縣署不允該官軍督催益急源物等拒之官軍失利暫爲停止人民得脫法網至今盈劍尙存

**王懷敬** 溝西村人有胆略夙沐楊本澤惠貧無以報民國八年本澤卒其姪被匪擄去懷敬願捨命入匪穴周旋越數日竟將姪孩昏夜跋涉送回不言功而去

### 異錄

**知名榴** 寺前鎮北城樓西第二炮台西雉堞下與寨子城相接處有榴樹叢生開花而不結實每遇城內其年有領鄉薦者即結一實如袁夢魁六十年後至張元瑞強元瑞至嚴觀閣三十年嚴觀瀾至楊樹十五年楊樹至吳泰八年吳泰至嚴尊四年是榴均

一結實者恒不少爽故呼爲知名榴噫屈軼指佞莫莢生庭是榴之知名有同耀焉及至重修城垣而榴樹遂枯死科舉亦停異哉

狼 妖 光緒丁戊大饑後狼爲人害或獨狼或數狼或十數狼逢人即噬縣東北門村男婦老幼被噬者百餘人其耳目口鼻噬無完

鼠 妖 傳曰夫鼠晝伏夜動不穴於寢廟畏人故也光緒丁戊大饑後鼠不畏人往往百餘鼠白晝間在人前踴躍夜間囓人鼻耳衣履器具傾刻嚼盡時貓甚缺一貓至值制錢數串秋大疫死者無算 按是年鼠多不知何故 秋大疫不知係鼠投歟

死而復生 民國十一年西觀村有某婦自縊死葬三日後由墓穴自鑽出匍匐至村半日後始死人 甚異之蓋此婦家赤貧棺木甚劣墓穴亦就崖下淺埋或透空氣亦未可知云

無錢人之懼匪甚於有錢 民國五年以後土匪猖獗殷實之家架票勒贖初時富者晝夜防備聞訊即逃村人之貧者安然自若則百般拷打甚至用以嚇富者戕害其生命是後雖至赤貧一聞匪至奔逃莫禦故鄉間有謂無錢者之懼匪甚於有錢者云

災異

九年十一月初七日戊刻地大震後南鄉一帶井水頓旺 按邑井下用磚鑿時水超磚洞上故井多傾圮 冬日較暖豈地球之移動歟  
十五年五月初間有星殞東南光芒如電 按是星名臨星傳曰臨星現天下亂今秋南北大戰蔓延各省噫其真有數乎